



«ТАСДИҚЛАЙМАН»

Наманган вилояти статистика  
бошқармаси бошлиғи

С.Мелихужаев

» ноябрь 2017 йил

## Турмуш даражаси статистикаси ва уй хўжаликлари кузатувлари бўлими тўғрисида

### Н И З О М

#### 1-боб. Умумий қоидалар

1. Мазкур Низом Наманган вилояти Турмуш даражаси статистикаси ва уй хўжаликлари кузатувлари бўлимининг (кейинги ўринларда Бўлим деб аталади) мақоми, асосий вазифалари ва функциялари, ҳуқуқ ва мажбуриятлари, шунингдек, унинг фаолиятини ташкил этиш тартибини белгилайди.

2. Бўлим Ўзбекистон Республикаси Президентининг 2017 йил 31 июлдаги “Ўзбекистон Республикаси Давлат статистика қўмитаси фаолиятини такомиллаштириш чора-тадбирлари тўғрисида”ги ПҚ-3165-сон қарорига мувофиқ ташкил этилган ва Наманган вилояти статистика бошқармасининг (кейинги ўринларда Бошқарма деб аталади) таркибий бўлинмаси ҳисобланади.

3. Бўлим ўз фаолиятида Ўзбекистон Республикаси Конституциясига, Ўзбекистон Республикасининг “Давлат статистикаси тўғрисида”ги қонуни ва бошқа қонунларига, Олий Мажлиснинг норматив қарорларига, Ўзбекистон Республикаси Президенти фармонлари, қарорлари ва фармойишларига, Вазирлар Маҳкамаси қарорлари ва фармойишларига, Ўзбекистон Республикаси Давлат статистика қўмитаси топшириқлари, “Наманган вилояти статистика бошқармаси тўғрисида”ги Низомга ва мазкур Низомга, шунингдек бошқа қонун ҳужжатларига амал қилади.

4. Бўлим Турмуш даражаси статистикаси ва уй хўжаликлари кузатувлари масалалари бўйича фаолиятини вилоят статистика бошқармасининг тармоқ ҳамда шаҳар ва туман статистика бўлимлари билан ўзаро ҳамкорликда амалга оширади.

5. Бўлим ўз фаолиятини вилоят статистика бошқармаси бошлиғи раҳбарлигида амалга оширади.

Бўлим ўз ваколатига кирувчи масалалар бўйича бошқарма бошлиғининг ўринбосарига бўйсунди.

## 2-боб. Бошқарманинг вазифалари ва функциялари

6. Қуйидагилар бўлимнинг асосий вазифалари ҳисобланади:

*а) давлат статистикаси соҳасида ишлаб чиқилган ягона сиёсатни бажариш, статистикани ташкил қилишнинг самарли тизимини таъминлаш ва давлат статистикаси соҳасида мувофиқлаштириш ва функционал тартибга солиш соҳасида:*

Давлат статистика ишлари Дастурини, статистика ишларини ишлаб чиқариш дастурини, турмуш даражаси статистикаси ва уй хўжаликлари кузатувлари масалалари билан боғлиқ ишларнинг режа-жадвали, бошқарманинг иш режаларини ишлаб чиқишда иштирок этиш;

Ўзбекистон Республикаси давлат статистика тизимини ривожлантиришнинг мақсадли дастурларини, Ўзбекистон Республикаси Олий Мажлис палаталари қарорлари, Ўзбекистон Республикаси Президенти фармонлари, қарорлари ва фармойишлари, Ўзбекистон Республикаси Вазирлар Маҳкамаси қарорлари ва фармойишларининг ижросини таъминлаш юзасидан жорий ва истиқбол режаларини тайёрлаш ишларида иштирок этиш;

статистика органлари фаолиятини такомиллаштириш бўйича таҳлил қилиш ва ишлаб чиқиш, таклифларни амалда рўёбга чиқаришда иштирок этиш;

*б) халқаро стандартларга мувофиқ бўлган ягона статистика методологиясини ҳамда давлат статистика кузатувлари шаклларини ишлаб чиқиш, тасдиқлаш ва жорий этиш соҳасида:*

макроиқтисодий ва ҳудудий даражаларда ўрганилаётган ижтимоий-иқтисодий жараёнларнинг қамровини кенгайтиришга қаратилган статистика маълумотларини йиғиш ва қайта ишлашнинг замонавий методологияси ва методикаларини кенг жорий этиш йўли билан статистик кузатувлар тизимини умум қабул қилинган халқаро амалиётга янада мослаштиришни ваколати доирасида амалга ошириш;

жамият эҳтиёжларига мувофиқ турмуш даражаси статистикаси ва уй хўжаликлари кузатувлари соҳасидаги кўрсаткичларни ҳисоблаш методикаларини доимий равишда такомиллаштириш;

*в) ижтимоий-иқтисодий ҳодисалар, жараёнлар ва уларнинг натижалари тўғрисидаги статистик ахборотларни йиғиш, қайта ишлаш, тўплаш, сақлаш, умумлаштириш, таҳлил қилиш ва эълон қилиш соҳасида:*

турмуш даражаси статистикаси ва уй хўжаликлари кузатувлари қисми бўйича Давлат статистика ишлари дастури, Давлат статистика ишлари дастурини ишлаб чиқариш дастури, методологик ишлар режа-жадвалининг бажарилиши таъминлаш;

турмуш даражаси статистикаси ва уй хўжаликлари кузатувлари бўйича сўровларни ва бошқа кузатувларни ташкил этиш ва ўтказишни таъминлаш;

турмуш даражаси статистикаси ва уй хўжаликлари кузатувлари бўйича вилоятдаги энг муҳим ижтимоий ҳодиса ва жараёнларнинг дастлабки статистик таҳлилларини олиб бориш;

турмуш даражаси статистикаси ва уй хўжаликлари кузатувлари бўйича ўтказилган танланма кузатувлар натижаларининг тезкорлиги, ишончлилиги ва холислигини, статистик ахборотларнинг қулайлиги, очик-ойдинлиги ва ошкоралигини кенгайтириш бўйича чора-тадбирларнинг амалга оширилишини таъминлаш;

ишончли давлат статистика маълумотларини тақдим этишда уй хўжаликлари респондентларига ҳар томонлама кўмаклашиш, статистик маълумотларни тақдим этиш соҳасида ҳуқуқий маданиятни оширишда иштирок этиш, статистик назоратни амалга оширишнинг замонавий усулларини жорий этиш;

турмуш даражаси статистикаси ва уй хўжаликлари кузатувлари бўйича олинган статистика маълумотларининг махфийлиги, давлат сирларига эга бўлган статистика маълумотларининг ҳимоя қилинишини таъминлаш;

умумэътироф этилган халқаро стандартларга мувофиқ статистик метамаълумотлар тизимини яратиш ва ривожлантириш ишларида иштирок этиш;

тавсия этилган халқаро стандартлар асосида статистикада сифатни бошқариш тизимини жорий этиш ва ривожлантириш;

*г) белгиланган тартибда давлат органлари, юридик шахслар, халқаро ташкилотлар ва аҳолини статистика ахборотлари билан таъминлаш соҳасида:*

миллий ва хорижий фойдаланувчиларнинг кенг оммаси учун статистик ахборотларнинг максимал даражада очик-ойдинлиги ва ошкоралигини таъминлаш;

вилоят турмуш даражаси статистикаси ва уй хўжаликлари кузатувлари тенденцияларини тавсифловчи комплекс таҳлилий докладлар, пресс-релизлар ва мақолалар тайёрлаш, турмуш даражаси статистикаси ва уй хўжаликлари кузатувлари бўйича таҳлилий ва маълумотнома материаллар тайёрлаш;

турмуш даражаси статистикаси ва уй хўжаликлари кузатувларига тегишли қисми бўйича вилоят иқтисодиётининг ривожланиш ҳолати, иқтисодиётни ривожлантириш ва ислоҳ қилиш бўйича Ўзбекистон Республикаси Президенти ва Ўзбекистон Республикаси Вазирлар Маҳкамаси томонидан қабул қилинган қарорларнинг амалга оширилиши ҳолати тўғрисидаги йиллик ва чораклик статистик ва таҳлилий материалларни тайёрлаш ва белгиланган тартибда тақдим этиш;

турмуш даражаси статистикаси ва уй хўжаликлари кузатувлари бўйича очик статистик маълумотларни барча фойдаланувчиларга статистик маълумотлардан фойдаланиш учун тенг имкониятларни таъминлаш;

турмуш даражаси статистикаси ва уй хўжаликлари кузатувлари бўйича очик статистик ахборотларни алмашиш, вилоятнинг ривожланиши тўғрисида материалларни тайёрлаш ва тақдим этишни таъминлаш;

турмуш даражаси статистикаси ва уй хўжаликлари кузатувлари бўйича Давлат статистика қўмитасининг маълумотлари асосида оммавий ахборот воситаларида таҳлилий лавҳалар, диаграммалар ва графикларни намойиш қилиш билан алоҳида статистик кўрсаткичлар тўғрисида аҳолини хабардор қилиш бўйича чораларни кўриш;

статистика кузатувлари ва расмий статистика ахборотлари масалалари бўйича ахборот-тушунтириш ишларини олиб бориш;

7. Бўлим ўз зиммасига юкланган вазифаларни бажариш учун қуйидаги функцияларни амалга оширади:

статистиканинг истиқболдаги ривожланиши бўйича таклифлар киритиш, Давлат статистика ишлари дастурининг мазмунини доимий равишда такомиллаштириш, унинг вилоятнинг ижтимоий-иқтисодий ривожланиши, таркибий ва бозор ислохотлари, иқтисодиёт тармоқлари ва секторларида ислохотларнинг боришини тавсифловчи тегишли мақсадли кўрсаткичлар билан ўзаро боғлиқлигини ошириш бўйича зарур чораларни кўриш;

турмуш даражаси статистикаси ва уй хўжаликлари кузатувлари саволномаларини қайта ишлаш ва тасдиқлатиш, ҳар хил турдаги кузатувларни бирлаштириш йўли билан оптималлаштириш бўйича таклифлар тайёрлаш;

статистик инструментарийни ишлаб чиқиш ва такомиллаштириш ҳамда сифатни бошқариш тизимини жорий этиш жараёнида бошқарманинг тармоқ бўлимлари билан ҳамкорлик қилади;

Давлат статистика ишлари Дастури ҳамда статистика ишларини ишлаб чиқариш дастурида турмуш даражаси статистикаси ва уй хўжаликлари кузатувлари бўйича белгиланган ишларнинг тўлиқ ва муддатларида бажарилишини таъминлайди;

Ўзбекистон Республикаси давлат статистика тизимини ривожлантириш дастурларини, давлат статистика фаолиятининг жорий ва истиқбол режаларини, бошқарманинг методологик ишлари режаларининг амалга оширилишида Бўлим ваколоти доирасида иштирок этиш;

Турмуш даражаси статистикаси ва уй хўжаликлари кузатувларига оид статистика методологияларини халқаро стандартлар ва расмий статистика принципларига, жамият эҳтиёжларига, шунингдек Ўзбекистон Республикаси қонун ҳужжатларига мос келишини таъминлайди;

Бошқарманинг тармоқ бўлимларининг турмуш даражаси статистикаси ва уй хўжаликлари кузатувларига оид ахборотларни шакллантириш бўйича ишларини ташкил этиш ҳамда мувофиқлаштириш ишларини амалга оширади;

Бўлимга тааллуқли бўлган жисмоний ва юридик шахсларнинг мурожаатлари, шу жумладан электрон шаклдаги мурожаатларнинг тегишли қисмини кўриб чиқади

ва улардаги масалаларни ҳал қилиш бўйича, зарур ҳолларда жисмоний шахслар ва юридик шахсларнинг вакиллари иштирокида, таклифлар тайёрлайди;

турмуш даражаси статистикаси ва уй хўжаликлари кузатувлари соҳасидаги ижтимоий-иқтисодий ҳодисалар, жараёнлар ва уларнинг натижалари тўғрисидаги статистика ахборотларини йиғади, қайта ишлайди, тўплайди, саклайди, умумлаштиради, таҳлил қилади ва эълон қилади;

турмуш даражаси статистикаси ва уй хўжаликлари кузатувлари бўйича кўрсаткичларнинг ишончилигини, холислигини ва комплекслигини таъминлайди;

давлат органларини, юридик шахсларни, халқаро ташкилотларни ва аҳолини статистика ахборотлари билан белгиланган тартибда таъминлайди;

Бўлим белгиланган тартибда ўзига юклатилган бошқа функцияларни ҳам амалга оширади.

### **3-боб. Бўлимнинг ҳуқуқлари ва жавобгарлиги**

8. Бўлим ўзига юкланган вазифалар ва функцияларни бажариш учун қуйидаги ҳуқуқларга эга:

турмуш даражаси статистикаси ва уй хўжаликлари кузатувлари бўйича давлат ва хўжалик бошқаруви органларидан, фуқароларнинг ўзини ўзи бошқариш органларидан, банклардан, бошқа юридик шахслардан (зарур ҳолларда – уларнинг ваколатхоналари ва филиалларидан) белгиланган тартибда давлат статистика ҳисоботини олиш ҳамда ундан статистика мақсадларида фойдаланиш;

Бошқарманинг тармоқ ҳамда шаҳар ва туман статистика бўлимларидан ўзига юкланган вазифалар ва функцияларни бажариш учун зарур материаллар ва маълумотларни белгиланган тартибда сўраш ва олиш;

Бошқарма раҳбариятига турмуш даражаси статистикаси ва уй хўжаликлари кузатувлари самарадорлигини ошириш юзасидан таклифлар киритиш;

давлат статистикаси соҳасида меъёрий-ҳуқуқий базани ривожлантириш ва такомиллаштиришда, статистик кузатувлар методологияси ва методикасини ишлаб чиқишда иштирок этиш;

давлат статистика ишлари Дастурига асосан статистика ишларини ўз муддатларида бажарилишини таъминлаш;

Бўлимнинг ваколатига кирадиган масалалар бўйича бошқарманинг бўлимлари билан йўриқнома бериш бўйича йиғилишлар ўтказиш;

турмуш даражаси статистикаси ва уй хўжаликлари кузатувлари бўйича кузатув шаклларининг тўлиқлигини таъминлаш, йиғиш ва қайта ишлаш муддатларини қисқартириш бўйича чора-тадбирлар ишлаб чиқиш;

Бўлим фаолиятига тегишли масалалар бўйича конференциялар, семинарлар ва йиғилишларда иштирок этиш.

9. Бўлим қуйидагилар учун жавоб беради.

ўзига юклатилган вазифаларнинг лозим даражада ва самарали бажариш;

ваколатига кирувчи таҳлилий ва бошқа материалларни юкори даражада тайёрлаш;

давлат статистикаси тамойилларига амал қилиш, илғор халқаро амалиётга мувофиқ фойдаланилаётган усуллар ва методикаларни доимий равишда такомиллаштириш;

Бўлим ходимлари томонидан меъёрий-ҳуқуқий ҳужжатларга мувофиқ ижро интизомини таъминлаш.

#### **4-боб. Бўлимнинг тузилмаси**

10. Бўлим таркибига бўлим бошлиғи, бўлим бошлиғи ўринбосари, етакчи мутахассис ва мутахассислар (интервьюлар) киради.

11. Бўлим ишига бўлим бошлиғи раҳбарлик қилади.

12. Бўлим бошлиғи, бўлим бошлиғи ўринбосари, етакчи мутахассис ва мутахассислар (интервьюлар) Бошқарма бошлиғи томонидан лавозимга тайинланади ва лавозимдан озод қилинади.

13. Давлат статистика ишлари дастурида белгиланган тартибда ва муддатларда турмуш даражаси статистикаси ва уй хўжаликлари кузатувлари кўрсаткичлари ва ҳудудлар ривожланишининг сабаблари ва омилларини ёритиб берувчи замонавий статистик таҳлил усулларида фойдаланган ҳолда йиллик ва чораклик ахборотларни, ҳисоботларни тайёрлаш, чоп этиш ва фойдаланувчиларга етказиш;

иқтисодиёт тармоқлари, турмуш даражаси статистикаси ва уй хўжаликлари кузатувлари ва ҳудудларни ривожлантириш учун қабул қилинган Давлат дастурлари бажарилиши бўйича таҳлилий маълумотларни тайёрлаш;

бошқарманинг тегишли бўлимлари билан биргаликда турмуш даражасининг долзарб масалалари бўйича оммавий ахборот воситаларида пресс-релизлар ва мақолалар тайёрлаш, ҳисобот даври учун вилоятнинг ижтимоий-иқтисодий ривожланишини тавсифловчи таҳлилий маълумотлар тайёрлаш;

вилоят ҳамда ҳудудлар бўйича аҳоли турмуш даражасида юз бераётган ўзгаришлар ва жамият томонидан кўпроқ талаб қилинаётган статистик маълумотларни бошқарманинг расмий веб сайтыда жойлаштириб бориш, улар бўйича диаграмма ва графиклар тайёрлаш амалиётини кенгайтириш;

статистик маълумотларни чоп этишда кўрсаткичларни намойиш қилишнинг илғор тажрибаларни (тоифалаштирилган графиклар, маълумотлар камровини кенгайтириш, инфографика ва бошқалар) тадбиқ этиш;

турмуш даражаси статистикаси ва уй хўжаликлари кузатувлари бўйича жамланма таҳлилий жадваллар, маърузалар, ҳисоботлар ва статистик тўпламлар, халқаро саволномалар учун маълумотлар тайёрлаш;

турмуш даражаси статистикаси ва уй хўжаликлари кузатувлари бўйича йиғма таҳлилий ахборотларни шакллантириш бўйича қабул қилинган услубий ҳужжатларни амалиётда қўлланилишини таъминлаш.

турмуш даражаси статистикаси ва уй хўжаликлари кузатувлари фаолияти бўйича услубиятларни такомиллаштириш масалалари бўйича таклифлар ишлаб чиқиш;

турмуш даражаси статистикаси ва уй хўжаликлари кузатувлари оид кўрсаткичларни сифатини янада ошириш мақсадида статистик таҳлил усулларидан фойдаланиш бўйича семинарлар ташкил этиш.

турмуш даражаси статистикаси ва уй хўжаликлари кузатувларига оид ахборотларни электрон шаклда тақдим этиш ва электрон ҳужжат айланиши тизимини жорий қилиш ишларини ташкил этиш;

замонавий ахборот технологияларидан фойдаланган ҳолда, турмуш даражаси статистикаси ва уй хўжаликлари кузатувлари асосий кўрсаткичларининг такомиллаштирилган маълумотлар базасини юритиш;

ахборот-тушунтириш ишларини ўтказган ҳолда респондентлар билан ўзаро ҳамкорлик қилиш.

#### **5-боб. Бошқарма фаолиятини ташкил этиш**

14. Бўлим фаолияти Ўзбекистон Республикасининг “Давлат статистикаси тўғрисида”ги қонуни, Вазирлар Маҳкамаси томонидан тасдиқланадиган Давлат статистика ишлари дастури, Давлат статистика кўмитаси томонидан тасдиқланадиган Давлат статистика ишларини ишлаб чиқариш дастури, Ўзбекистон Республикаси давлат статистика кўмитаси топшириқлари, “Наманган вилояти статистика бошқармаси тўғрисида”ги Низоми ва мазкур Низом, шунингдек вилоят статистика бошқармаси иш режалари, бўлимнинг иш режалари ва бўлим ходимларининг функционал вазифалари асосида ташкил этилади.

Бўлимнинг иш режаси вилоят статистика бошқармаси бошлиғи томонидан тасдиқланадиган вилоят статистика бошқармаси иш режалари асосида шакллантирилади ва бошқарма бошлиғининг ўринбосари томонидан тасдиқланади.

Ходимларининг функционал вазифалари бўлим бошлиғи томонидан ходимларга юкланган вазифалардан келиб чиққан ҳолда тайёрланади ва бошқарма бошлиғининг ўринбосари томонидан тасдиқланади.

#### **15. Бўлим бошлиғи:**

Бўлимга бевосита раҳбарликни амалга оширади, бўлим бошлиғи ўринбосари, етакчи мутахассис ва мутахассислар (интервьюерлар)нинг ишини ташкил қилади,

Бўлимга юкланган вазифа ва функцияларнинг лозим даражада бажарилиши, ижро ва меҳнат интизомининг ҳолати учун шахсан жавоб беради;

Бўлимнинг тасдиқланган тузилмаси ва штат жадвалига мувофиқ лавозимларга тавсия қилинган номзодлар, ходимларнинг касбий даражаси ва иш малакасини ошириш, уларни рағбатлантириш ва жазолаш чоралари бўйича таклифларни пухта ишлаб чиқади ва раҳбариятга кўриб чиқиш учун киритади;

Бўлимнинг иш режаси лойиҳасини ишлаб чиқади ва назорат қилувчи бошқарма бошлиғининг ўринбосарига тасдиқлаш учун киритади;

Бўлим ходимлари ўртасида вазифаларни тақсимлайди;

Бошқарманинг йиғилишлари ва мажлисларида, шунингдек бошқарма раҳбариятининг топшириғига биноан Бўлим юритадиган соҳага кирувчи масалалар бўйича идоралараро ишчи гуруҳлар ва кенгашлар фаолиятида қатнашади;

Давлат статистикаси соҳасида норматив ва методологик ҳужжатларни ва давлат статистика кузатувлари шакллари лойиҳаларини эксперт жиҳатдан пухта ишлаб чиқилишини ташкил қилади;

Бошқарма бошлиғи ва унинг ўринбосарларининг топшириқларига биноан таҳлилий ва умумлаштирувчи материаллар тайёрлайди, қўйилган вазифаларни самарали амалга ошириш бўйича таклифлар ишлаб чиқади;

турмуш даражаси статистикаси ва уй хўжаликлари кузатувлари бўйича бошқарманинг тармоқ бўлим бошлиқлари ва мутахассисларига маслаҳат ва методологик ёрдам беради;

Бошқарманинг ва Бўлимнинг жорий ва истиқбол иш режаларига мувофиқ Бўлим ваколатига кирувчи масалалар бўйича таҳлилий ва бошқа материалларни ўз вақтида тизимли асосда тайёрланишини таъминлайди;

норматив-ҳуқуқий ҳужжатлар, режалар ва дастурлар лойиҳаларини ишлаб чиқиш ва экспертиза қилишда, шунингдек уларнинг давлат статистикасига тегишли қисмини ижро этишда иштирок этади;

Бўлим ишининг самарадорлиги даражасини ошириш ва кадрлар билан тўлдириш чораларини кўради;

Бўлим кадрлари захирасини шакллантиришни ва янгилашни, кадрлар захирасига киритилган шахслар билан тизимли ишларни ташкил қилишни таъминлайди;

Бўлим ходимлари билан олдига қўйилган вазифалар, кирувчи ҳужжатларни назорат қилиш ва тажриба алмашиш масалалари бўйича йўриқнома йиғилишлар ўтказилади;

иш юритишни олиб бориш, топшириқларни ўз вақтида ижро этилишини қатъий назорат қилиш бўйича ишларни ташкил қилиш, ходимлар томонидан



хизмат ҳужжатлари билан ишлаш ва уларни сақлаш бўйича ишларнинг белгиланган тартибига амал қилинишини таъминлайди.

Бўлим бошлиғи вақтинчалик бўлмаган тақдирда унинг вазифасини Бўлим бошлиғи ўринбосари бажаради.

#### **16. Бўлим бошлиғи ўринбосари:**

Функционал вазифаларига мувофиқ материаллар, таклифлар ва ҳужжат лойиҳаларининг сифатли, ишончли ва ўз вақтида тайёрланиши учун шахсан жавобгар;

Тегишли функционал масалалар бўйича статистик инструментарийнинг (ҳужжатлар, кузатув шакллари, таснифлагичлар, метамаълумотлар ва ҳ.к.) тизимлаштирилган электрон маълумотлар базасининг юритилишини, уларнинг доимий равишда тўлдирилишини таъминлайди;

Бўлимнинг тегишли бўлим ваколатига кирувчи масалалар бўйича бўлим мутахассисларига консултатив ёрдам кўрсатади;

Бўлим бошлиғининг топшириғига мувофиқ зарур материалларни тайёрлайди, уларда кўрсатилган масалаларни ҳал қилиш лойиҳасини тайёрлайди;

Раҳбариятнинг топшириқларига мувофиқ жорий ишларни бажаради;

Вазифалар тақсимланишига мувофиқ бошқа функцияларни амалга оширади.

#### **17. Бўлим етакчи мутахассиси:**

Функционал вазифаларига мувофиқ материаллар, таклифлар ва ҳужжат лойиҳаларининг сифатли, ишончли ва ўз вақтида тайёрланиши учун шахсан жавобгар;

Тегишли функционал масалалар бўйича статистик инструментарийнинг (ҳужжатлар, кузатув шакллари, таснифлагичлар, метамаълумотлар ва ҳ.к.) тизимлаштирилган электрон маълумотлар базасининг юритилишини, уларнинг доимий равишда тўлдирилишини таъминлайди;

Бўлим бошлиғининг топшириғига мувофиқ зарур материаллар ва уларда кўрсатилган масалаларни ҳал қилиш бўйича таклифлар тайёрлашда иштирок этади;

Бўлим ваколатига кирувчи масалалар бўйича мутахассисларга консултатив ёрдам кўрсатади;

Иш юритишни олиб боради, бўлимда ҳужжатларнинг ўтиш тартибини ташкил қилади, ҳужжатларни архивда сақлаш учун тайёрлаш ва ўз вақтида топширишни таъминлайди;

Раҳбариятнинг топшириқларига мувофиқ жорий ишларни бажаради;

Вазифалар тақсимланишига мувофиқ бошқа функцияларни амалга оширади.

#### **18. Бўлим мутахассислари(интервьюлар):**

Белгиланган тартибда уй хўжаликларида сўров ўтказиш (бириктирилган маҳаллаларда), уй хўжаликлари кузатуви ўтказиш бўйича тасдиқланган йўриқномага асосан кузатув ишларини олиб бориш;

